

Članak 2.

JP "Elektroprivreda HZ HB" d.d. Mostar obvezno je na svojoj službenoj internetskoj stranici objaviti Pravila o priključenju objekata korisnika distribucijskog sustava na distribucijsku mrežu broj UD-3010/25 od 23.12.2025. godine iz članka 1. ove odluke.

Članak 3.

Ova odluka stupa na snagu danom donošenja, te se objavljuje na službenoj internetskoj stranici FERK-a, a izreka ove odluke i u "Službenim novinama Federacije BiH".

Broj 06-13-5-813-4/25
27. siječnja 2026. godine
Mostar

Predsjedavajuća FERK-a
Vesna Marić, v. r.

Na osnovu člana 28. tачка л) и члана 81. Закона о електричној енергији Федерације Босне и Херцеговине ("Службене новине Федерације БиХ", број 60/23), Регулаторна комисија за енергију у Федерацији Босне и Херцеговине - ФЕРК је на II редовној сједници одржаној 27.1.2026. године донијела

ОДЛУКУ

Члан 1.

- Даје се сагласност ЈП "Електропривреда ХЗ ХБ" д.д. Мостар на Правила о прикључењу објеката корисника дистрибутивног система на дистрибутивну мрежу број УД-3010/25 од 23.12.2025. године.
- Правила о прикључењу објеката корисника дистрибутивног система на дистрибутивну мрежу број УД-3010/25 од 23.12.2025. године из става (1) овог члана су саставни дио ове одлуке и налазе се у прилогу исте.

Члан 2.

ЈП "Електропривреда ХЗ ХБ" д.д. Мостар обавезно је на својој службеној интернет страници да објави Правила о прикључењу објеката корисника дистрибутивног система на дистрибутивну мрежу број УД-3010/25 од 23.12.2025. године из члана 1. ове одлуке.

Члан 3.

Ова одлука ступа на снагу даном доношења, те се објављује на службеној интернет страници ФЕРК-а, а диспозитив ове одлуке и у "Службеним новинама Федерације БиХ".

Broj 06-13-5-813-4/25
27. јануара 2026. године
Мостар

Председавајућа ФЕРК-а
Весна Марић, с. р.

(SI-206/26-F)

OPERATOR ZA OBNOVLJIVE IZVORE ENERGIJE I EFIKASNU/UCINKOVITU KOGENERACIJU OIEiEK

161

Na osnovu člana 12. Zakona o korištenju obnovljivih izvora energije i efikasne kogeneracije ("Službene novine Federacije BiH", broj 82/23), na prijedlog Uprave, Upravni odbor Operatora za OIEiEK na 20. sjednici, održanoj dana 30.01.2026. godine, donosi

ODLUKU

O USVAJANJU STATUTA OPERATORA ZA OIEiEK

Član 1.

Usvaja se Statut Operatora za obnovljive izvore energije i efikasnu kogeneraciju, broj: 01-84/26 od 30.01.2026. godine.

Član 2.

- Statut Operatora za obnovljive izvore energije i efikasnu kogeneraciju, iz člana 1. ove odluke stupa na snagu narednog dana od dana objavljivanja u "Službenim novinama Federacije BiH",
- Stupanjem na snagu Statuta iz stava (1) ovog člana prestaje da važi Statut Operatora za OIEiEK ("Službene novine Federacije BiH", br. 89/20, 101/22 i 10/25).

Član 3.

Ova Odluka stupa na snagu danom donošenja.

Broj 01-84-1/26

30. јануара/сјећња 2026. године
Мостар

Председник
Haris Lulić, s. r.

(SI-214/26-F)

162

Na osnovu člana 12. Zakona o korištenju obnovljivih izvora energije i efikasne kogeneracije ("Službene novine Federacije BiH", broj 82/23), na prijedlog Direktora, Upravni odbor Operatora za obnovljive izvore energije i efikasnu kogeneraciju, na 20. sjednici, održanoj dana 30.01.2026. godine, donosi

STATUT

OPERATORA ZA OBNOVLJIVE IZVORE ENERGIJE I EFIKASNU KOGENERACIJU

DIO PRVI: OSNOVNE ODREDBE

Član 1.

(Predmet)

Ovim Statutom uređuju se pitanja od značaja za rad Operatora za obnovljive izvore energije i efikasnu kogeneraciju (u daljem tekstu: Operator za OIEiEK), a naročito: registracija i pravni status; naziv i sjedište; nadležnost i organizacija; nadležnosti Federalnog ministarstva energije, rudarstva i industrije (u daljem tekstu: Ministarstvo) i Regulatorne komisije za energiju u Federaciji BiH (u daljem tekstu: FERK); način rada; finansiranje rada; organi Operatora za OIEiEK, Upravni odbor; Uprava; ovlaštenja, način imenovanja i razrješenja Upravnog odbora i Uprave; akte Operatora za OIEiEK; transparentnost rada i zaštita povjerljivih informacija; tumačenje Statuta; postupak izmjena i dopuna Statuta; stupanje na snagu i početak primjene.

Član 2.

(Registracija i pravni status)

- Operator za OIEiEK je osnovan kao neprofitno pravno lice i kao takav upisan u Registru pravnih lica kod Općinskog suda u Mostaru, u skladu sa Odlukom o osnivanju Operatora za OIEiEK ("Službene novine Federacije BiH", br. 90/13 i 96/14) i Zakonom o korištenju obnovljivih izvora energije i efikasne kogeneracije ("Službene novine Federacije BiH", br. 70/13 i 5/14) i nezavisan je u obavljanju svojih poslova.
- Operator za OIEiEK je Rješenjem o registraciji, broj Tt-O-I/14 od 14.01.2014. godine, upisan u Registar pravnih lica kod Općinskog suda u Mostaru (u daljem tekstu: Registar), kao institucija koja ima javna ovlaštenja.
- Operator za OIEiEK ima status i nastavlja sa radom kao neprofitno pravno lice s pravima, obavezama i odgovornostima, u skladu sa Zakonom o korištenju obnovljivih izvora energije i efikasne kogeneracije ("Službene novine Federacije BiH", broj 82/23) (u daljem tekstu: Zakon) i ovim Statutom.

DIO DRUGI: NAZIV I SJEDIŠTE

Član 3.

(Naziv)

- Puni naziv Operatora za obnovljive izvore energije i efikasnu kogeneraciju glasi: Operator za obnovljive izvore energije i efikasnu kogeneraciju.

- (2) Skraćeni naziv glasi: Operator za OIEiEK.
 (3) Operator za OIEiEK je dužan u poslovanju koristiti puni ili skraćeni naziv kakav je upisan u Registar.

Član 4.
 (Sjedište)

- (1) Sjedište Operatora za OIEiEK je u Mostaru, ulica Adema Buća br. 34.
 (2) O promjeni sjedišta Operatora za OIEiEK, na prijedlog Uprave, odlučuje Upravni odbor Operatora za OIEiEK.

Član 5.
 (Pečat i upotreba pečata)

- (1) Operator za OIEiEK ima pečat.
 (2) Posebnim općim aktom Operatora za OIEiEK utvrđuje se način upotrebe pečata, osobe odgovorne za njegovo čuvanje, kao i druga pitanja u skladu sa Zakonom o pečatima u Federaciji Bosne i Hercegovine ("Službene novine Federacije BiH", br. 2/94, 21/96 i 46/07).

DIO TREĆI: NADLEŽNOST I ORGANIZACIJA

Član 6.
 (Nadležnost)

Operator za OIEiEK, u okviru Zakonom utvrđenih nadležnosti, obavlja sljedeće djelatnosti:

- a) donosi interna pravila rada i poslovanja Operatora za OIEiEK;
- b) donosi Uputstvo o radu Balansne grupe OIE;
- c) usvaja, uz saglasnost Ministarstva, Pravilnik o aukcijama, te provodi procese i postupke aukcija;
- d) donosi, uz saglasnost Vlade Federacije, Program o sufinansiranju prosumera iz kategorije domaćinstva;
- e) prikuplja, obrađuje i vodi evidenciju o ukupnoj električnoj energiji proizvedenoj u postrojenjima koji koriste OIE iz kojih Operator za OIEiEK vrši otkup električne energije;
- f) prikuplja, obrađuje i vodi evidenciju o ukupnoj električnoj energiji proizvedenoj u postrojenjima prosumera;
- g) u skladu sa članom 45. Zakona, na zahtjev potencijalno privilegovanog proizvođača, zaključuje predugovor o dodjeli premije;
- h) u skladu sa članom 45. Zakona, na zahtjev privilegovanog proizvođača zaključuje ugovor o dodjeli premije;
- i) u skladu sa članom 44. Zakona, na zahtjev potencijalno privilegovanog proizvođača, zaključuje predugovor za otkup električne energije;
- j) u skladu sa članom 44. Zakona, na zahtjev privilegovanog proizvođača, zaključuje ugovor o otkupu električne energije;
- k) vrši obračun i isplatu finansijskih sredstava za isporučenu električnu energiju privilegovanim proizvođačima koji su zaključili ugovor sa Operatorom za OIEiEK;
- l) vrši isplatu premija privilegovanim proizvođačima koji su zaključili Ugovor o dodjeli premije;
- m) sa svakim pojedinačnim snabdjevačem koji snabdijeva kupce iz Federacije, sklapa ugovor kojim će se detaljno urediti sva međusobna prava i obaveze, uključujući prikupljanje naknade iz člana 27. stav (1) Zakona;
- n) izrađuje analize proizvedenih količina električne energije u odnosu na količine električne energije proizvedene iz OIE predviđene planskim dokumentom za energiju i klimu Federacije;
- o) vrši fakturisanje i naplatu fakturisanih sredstava od snabdjevača za isporučenu električnu energiju

- proizvedenu u postrojenjima koji koriste OIE, a iz kojih Operator za OIEiEK vrši otkup električne energije;
- p) prikuplja i obrađuje podatke o ukupnoj finalnoj potrošnji električne energije u Federaciji koje dostavljaju operatori distributivne mreže, snabdjevači i kupci koji samostalno nabavljaju električnu energiju za vlastite potrebe iz uvoza, na mjesečnom nivou, radi obračuna naknada;
 - q) vrši isplatu sredstava za balansiranje elektroenergetskog sistema nadležnom tijelu za članove balansne grupe OIE ili balansno odgovornoj strani s kojom Operator za OIEiEK zaključi ugovor o prenosu balansne odgovornosti;
 - r) vodi poseban transakcijski račun za obračun i plaćanje električne energije proizvedene iz OIEiEK;
 - s) provodi propisane aktivnosti vezane za promovisanje OIEiEK u skladu sa članom 51. Zakona;
 - t) dostavlja izvještaje o svim provedenim aukcijama u skladu sa Zakonom;
 - u) dostavlja polugodišnje i godišnje izvještaje o radu i poslovanju Vladi Federacije, Ministarstvu i FERK-u;
 - v) vodi Registar garancija porijekla, te izdaje, vrši prijenos i poništavanje garancija porijekla električne energije;
 - w) utvrđuje administrativnu barijeru;
 - x) zaključuje ugovor o uređenju međusobnih odnosa s nadležnim operatorom distributivnog sistema.

Član 7.

(Klasifikacija djelatnosti)

Zakonom propisane nadležnosti Operatora za OIEiEK, se klasificiraju kako slijedi:

- 71.20 Tehničko ispitivanje i analiza;
 72.19 Ostalo istraživanje i eksperimentalni razvoj u prirodnim, tehničkim i tehnološkim naukama;
 73.20 Istraživanje tržišta i ispitivanje javnoga mnijenja;
 84.13 Reguliranje i doprinos poboljšavanju poslovanja u privredi;
 35.14 Trgovina električnom energijom.

Član 8.

(Ostale djelatnosti)

- (1) Pored poslova koji su propisani Zakonom, Operator za OIEiEK vrši i istraživačke poslove i poslove informisanja javnosti o podsticajnim mjerama za obnovljive izvore energije i efikasnu kogeneraciju, razvija odgovarajuće edukativne programe, organizira javne i stručne rasprave, radionice i obuke, kako bi informacije o korištenju obnovljivih izvora energije i efikasne kogeneracije, kao što su: korist od upotrebe obnovljivih izvora energije i efikasne kogeneracije, dodatni troškovi koje upotreba obnovljivih izvora energije i efikasne kogeneracije iziskuje, kao i ostale praktične informacije, blagovremeno stigle do zainteresiranih strana i građana u Federaciji Bosne i Hercegovine, kao i druge poslove koji su neposredno povezani sa osnovnom djelatnošću Operatora za OIEiEK.
- (2) Operator za OIEiEK može zaključivati ugovore ili obavljati druge pravne poslove iz okvira svoje djelatnosti koja je upisana u Registar, kao i druge pravne poslove utvrđene ovim Statutom.
- (3) Operator za OIEiEK može, bez upisa u Registar, da vrši i druge djelatnosti koje služe djelatnosti u manjem obimu ili povremeno, ili koje doprinose potpunijem iskorištavanju i unapređenju obnovljivih izvora energije i efikasne kogeneracije u Federaciji Bosne i Hercegovine.

Član 9.

(Način obavljanja djelatnosti)

- (1) Poslovi iz člana 6., 7. i 8 ovog Statuta obavljaju se u okviru organizacionih jedinica Operatora za OIEiEK.
- (2) Unutrašnja organizacija Operatora za OIEiEK bliže će se urediti Pravilnikom o radu Operatora za OIEiEK.

DIO ČETVRTI: NADLEŽNOSTI MINISTARSTVA I FERK-a

Član 10.

(Nadzor nad radom Operatora za OIEiEK)

Rad i poslovanje Operatora za OIEiEK regulišu i nadziru Ministarstvo i FERK, svako u okviru svojih nadležnosti, u skladu sa članom 8. i 60. Zakona.

Član 11.

(Izvršavanje i planiranje)

Operator za OIEiEK, dostavlja polugodišnje i godišnje izvještaje o radu i poslovanju Vladi Federacije Bosne i Hercegovine, Ministarstvu i FERK-u, kao i sve druge neophodne akte (izvještaje, planove, prijedloge, procjene, scenarije i sl.), propisane zakonom i podzakonskim aktima.

DIO PETI: NAČIN RADA

Član 12.

(Način odlučivanja)

O pitanjima iz svoje nadležnosti Operator za OIEiEK će odlučivati putem općih i pojedinačnih pravnih akata.

Član 13.

(Savjesnost u obavljanju poslova)

- (1) Članovi organa Operatora za OIEiEK i njegovi radnici obavezni su svoje funkcije, odnosno poslove, obavljati savjesno i u skladu sa pravilima struke, te su dužni održavati dignitet Operatora za OIEiEK.
- (2) Članovi organa Operatora za OIEiEK i njegovi radnici dužni su se pridržavati Etičkog kodeksa Operatora za OIEiEK.
- (3) Članovi organa Operatora za OIEiEK i njegovi radnici ne smiju koristiti svoj rad u Operatoru za OIEiEK, niti njegov dignitet, za ostvarivanje ličnih ili drugih ciljeva koji su nespojivi sa Zakonom i Etičkim kodeksom Operatora za OIEiEK.

DIO ŠESTI: FINANSIRANJE RADA

Član 14.

(Prihodi Operatora)

- (1) Operator za OIEiEK se finansira:
 - a) iz naknade za podsticanje iz člana 27. stav (1) Zakona,
 - b) iz prihoda koje ostvari na osnovu izdavanja upravnih akata predviđenih internim aktima Operatora za OIEiEK,
 - c) iz drugih sredstava finansiranja.
- (2) Operator za OIEiEK se može finansirati iz bespovratnih sredstava iz međunarodnih fondova.
- (3) Sredstva Operatora za OIEiEK vode se na bankovnim računima Operatora za OIEiEK.

Član 15.

(Način korištenja prihoda Operatora za OIEiEK)

- (1) Poslovanje Operatora za OIEiEK neće se vršiti u svrhu ostvarivanja dobiti, a prihodi Operatora za OIEiEK koristit će se isključivo u svrhu provođenja njegovih ciljeva.
- (2) Ukoliko su prihodi veći od rashoda u tekućoj godini, Operator za OIEiEK je obavezan da izvrši prenos viška sredstava u narednu godinu i utroši ih u istu namjenu.

Član 16.

(Podnošenje izvještaja Uprave)

- (1) Uprava Operatora za OIEiEK Upravnom odboru predlaže polugodišnji i godišnji izvještaj o poslovanju Operatora za

OIEiEK i druge izvještaje i planove, u skladu sa Zakonom i podzakonskim propisima.

- (2) Uprava Operatora za OIEiEK podnosi Upravnom odboru periodične izvještaje o realizaciji plana poslovanja.

DIO SEDMI: ORGANI OPERATORA

Član 17.

(Organi Operatora za OIEiEK)

Organi Operatora za OIEiEK su:

- 1) Upravni odbor i
- 2) Uprava.

POGLAVLJE I. UPRAVNI ODBOR

Član 18.

(Sastav, imenovanje, mandat, odgovornost i način rada)

- (1) Upravni odbor Operatora ima tri člana.
- (2) Postupak imenovanja i razrješenja predsjednika i članova Upravnog odbora vrši se u skladu sa Zakonom o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), Zakonom o sukobu interesa u organima vlasti u Federaciji Bosne i Hercegovine ("Službene novine Federacije BiH", broj: 70/08) i ovim Statutom.
- (3) Članovi Upravnog odbora, pored općih uslova, moraju ispunjavati i sljedeće posebne uslove:
 - a) visoka stručna sprema (VII stepen stručne spreme, odnosno visoko obrazovanje prvog ciklusa (koje se vrednuje sa 240 ECTS bodova) ili drugog ili trećeg ciklusa Bolonjskog sistema studiranja, tehničkog ili društvenog smjera, i
 - b) najmanje pet godina radnog iskustva u struci i stručnost u energetsom sektoru.
- (4) Postupak imenovanja Upravnog odbora pokreće Federalni ministar energije, rudarstva i industrije.
- (5) Predsjednika i članove Upravnog odbora Operatora za OIEiEK imenuje Vlada Federacije Bosne i Hercegovine.
- (6) Upravni odbor Operatora za OIEiEK imenuju se na period od četiri godine.
- (7) Upravni odbor je dužan donijeti Poslovnik o radu, kojim će se bliže urediti način rada Upravnog odbora.
- (8) Odluke i akti Upravnog odbora donose se prostom većinom glasova.

Član 19.

(Naknada za rad)

- (1) Mjesečna naknada za rad predsjednika i članova Upravnog odbora uređuje se ugovorom koji Operator za OIEiEK zaključuje sa predsjednikom i članovima Upravnog odbora.
- (2) Ugovor iz stava (1) ovog člana u ime Uprave potpisuje Predsjednik Uprave Operatora za OIEiEK.
- (3) U skladu sa članom 7. Zakona o plaćama i drugim materijalnim pravima članova organa upravljanja institucija Federacije Bosne i Hercegovine i javnih preduzeća u većinskom vlasništvu Federacije Bosne i Hercegovine ("Službene novine Federacije BiH", broj 12/09), ugovor iz stava (1) ovog člana, putem Ministarstva, dostavlja se premijeru Federacije Bosne i Hercegovine, radi dobivanja pismene saglasnosti.

Član 20.

(Nadležnosti)

Upravni odbor ima sljedeće nadležnosti:

- a) nadzire rad Uprave;
- b) daje upute i naloge Upravi za provođenje aktivnosti u vezi sa uočenim nepravilnostima;
- c) donosi Statut, Pravilnik o radu i druge opće akte iz nadležnosti Operatora za OIEiEK;

- d) usvaja polugodišnji i godišnji izvještaj o poslovanju Operatora za OIEiEK i druge izvještaje i planove;
- e) donosi Odluku o prenosu viška sredstava iz prethodne godine;
- f) utvrđuje smjernice o provođenju poslovne politike i obaveza;
- g) usvaja i nadzire provođenje planova poslovanja;
- h) donosi odluke o pitanjima koja su upućena od strane Uprave;
- i) usvaja opće i pojedinačne akte iz svoje nadležnosti;
- j) informiše Ministarstvo i Vladu Federacije Bosne i Hercegovine o stanju u Operatoru za OIEiEK, najmanje dva puta godišnje,
- k) pojedinačnim aktima, između ostalog, rješava i o pravima i obavezama iz radnog odnosa predsjednika i članova Uprave, kao i pravima i obavezama radnika Operatora za OIEiEK u drugostepenom postupku;
- l) vrši i druge poslove u skladu sa Zakonom i ovim Statutom.

Član 21.
(Odgovornost)

Upravni odbor za svoj rad odgovara Vladi Federacije Bosne i Hercegovine.

Član 22.
(Prestanak mandata)

Predsjedniku i članovima Upravnog odbora na osnovu odluke Vlade Federacije Bosne i Hercegovine prestaje mandat:

- a) istekom mandata;
- b) ostavkom;
- c) razrješenjem prije isteka mandata;
- d) nastupanjem smetnji za obavljanje funkcije.

POGLAVLJE II. UPRAVA

Član 23.
(Sastav)

Upravu Operatora za OIEiEK (u daljem tekstu: Uprava) čine predsjednik i dva člana Uprave.

Član 24.
(Imenovanje i mandat)

- (1) Postupak imenovanja i razrješenja predsjednika i članova Uprave, vrši se u skladu sa Zakonom o korištenju OIEiEK ("Službene novine Federacije BiH", broj: 82/23), Zakonom o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), Zakonom o sukobu interesa u organima vlasti u Federaciji Bosne i Hercegovine ("Službene novine Federacije BiH", broj: 70/08) i ovim Statutom.
- (2) Postupak imenovanja Uprave pokreće Federalni ministar energije, rudarstva i industrije.
- (3) Upravu imenuje Vlada Federacije Bosne i Hercegovine.
- (4) Predsjednik i članovi Uprave imenuju se na period od četiri godine.
- (5) Predsjednik i članovi Uprave ne mogu obavljati dužnost u više od 2 (dva) mandata.

Član 25.
(Uslovi za imenovanje)

Predsjednik i članovi Uprave pored općih uslova za imenovanje, moraju ispunjavati i sljedeće posebne uslove:

- da ima VSS, VII stepen stručne spreme, odnosno visoko obrazovanje prvog ciklusa (koje se vrednuje sa 240 ECTS bodova) ili drugog ili trećeg ciklusa Bolonjskog sustava studiranja – fakultet tehničkog ili društvenog smjera i stručnost u energetskom sektoru;
- najmanje pet godina radnog iskustva u struci;

Član 26.

(Plaća i druga materijalna prava)

- (1) Plaća i druga materijalna prava Uprave uređuju se ugovorom koji Upravni odbor zaključuje sa predsjednikom i članovima Uprave.
- (2) Ugovor iz stava (1) ovog člana u ime Upravnog odbora potpisuje predsjednik Upravnog odbora.
- (3) U skladu sa članom 6. Zakona o plaćama i drugim materijalnim pravima članova organa upravljanja institucija Federacije Bosne i Hercegovine i javnih preduzeća u većinskom vlasništvu Federacije Bosne i Hercegovine ("Službene novine Federacije BiH", broj 12/09), ugovor iz stava (1) ovog člana, putem Ministarstva, dostavlja se premijeru Federacije Bosne i Hercegovine, radi dobivanja pismene saglasnosti.

Član 27.
(Nadležnosti)

- (1) Uprava Operatora za OIEiEK ima sljedeće nadležnosti:
 - a) zastupa i predstavlja Operator za OIEiEK prema trećim licima;
 - b) odgovara za zakonitost rada Operatora za OIEiEK u okviru svojih nadležnosti;
 - c) organizuje i rukovodi procesom rada;
 - d) vodi poslovanje Operatora za OIEiEK;
 - e) predlaže Upravnom odboru polugodišnji i godišnji izvještaj o poslovanju Operatora za OIEiEK i druge izvještaje i planove, u skladu sa ovim zakonom i podzakonskim propisima;
 - f) predlaže i realizuje planove poslovanja;
 - g) podnosi periodične izvještaje o realizaciji plana poslovanja Upravnom odboru Operatora za OIEiEK;
 - h) provodi Etički kodeks Operatora za OIEiEK;
 - i) predlaže i priprema Statut, Pravilnik o radu Operatora za OIEiEK i druge opće akte iz nadležnosti Upravnog odbora i dostavlja ih Upravnom odboru na usvajanje i donošenje;
 - j) izrađuje provedbene propise za postupak javnih nabavki;
 - k) odgovora za provedbu postupka javnih nabavki;
 - l) usvaja opće akte Operatora za OIEiEK iz svoje nadležnosti;
 - m) brine o provođenju općih akata i donosi upute u vezi njihove primjene;
 - n) brine o namjenskom trošenju sredstava Operatora za OIEiEK;
 - o) odlučuje u vezi ostvarivanja javnih ovlaštenja Operatora za OIEiEK;
 - p) priprema prijedlog Odluke o prenosu viška sredstava iz prethodne godine;
 - q) vrši zapošljavanje i otpuštanje radnika u skladu sa postupcima utvrđenim u općim aktima Operatora za OIEiEK, te zakonskim i podzakonskim aktima;
 - r) vrši i druge poslove u skladu sa Zakonom i ovim Statutom.
- (2) Uprava djeluje kao kolektivni organ. Nijedan član Uprave, uključujući predsjednika Uprave, ne može samostalno odlučivati o pitanjima iz nadležnosti Uprave.

Član 28.

(Ovlaštenja predsjednika Uprave)

- (1) Predsjednik Uprave rukovodi radom Operatora za OIEiEK. Predsjednik Uprave, u ime Uprave:
 - a) potpisuje akte Operatora za OIEiEK,
 - b) zastupa i predstavlja Operatora za OIEiEK prema trećim licima,
 - c) saziva i predsjedava sjednicama Uprave,

- d) prati provedbu akata Operatora za OIEiEK,
 - e) obavlja i druge poslove u skladu sa zakonom i ovim Statutom sa ciljem osiguranja efikasnog rada Operatora za OIEiEK.
- (2) Predsjednik Uprave obavlja poslove iz stava (1) ovog člana isključivo u skladu sa odlukama Uprave donesenim na sjednicama Uprave.
 - (3) Predsjednik Uprave može ovlastiti jednog od druga dva člana Uprave da privremeno obavlja neke ili sve dužnosti predsjednika Uprave.
 - (4) Izuzetno, u hitnim slučajevima, Predsjednik Uprave ili ovlašteni član Uprave, može potpisati akt Operatora za OIE, nakon što postigne dogovor sa ostalim članovima Uprave.

Član 29.

(Prava i obaveze predsjednika i članova Uprave)

- (1) Predsjednik i članovi Uprave imaju jednaka prava, obaveze i odgovornosti za učestvovanje u radu na donošenju i provedbi akata Operatora za OIEiEK.
- (2) Predsjednik i članovi Uprave iznose, predstavljaju i zastupaju stavove Operatora za OIEiEK u pitanjima iz nadležnosti Operatora za OIEiEK.
- (3) Predsjednik i članovi Uprave imaju pravo biti redovno informisani i obavezu redovno informisati ostale članove Uprave o svim pitanjima vezanim za rad Operatora za OIEiEK.
- (4) Predsjednik i članovi Uprave snose pojedinačnu odgovornost za svoj rad i kolektivnu odgovornost za rad Operatora za OIEiEK.

Član 30.

(Sjednice Uprave)

- (1) Sjednice Uprave se održavaju najmanje jednom sedmično.
- (2) Predsjednik Uprave saziva i predsjedava sjednicama.
- (3) Predsjednik Uprave je obavezan sazvati sjednicu Uprave na zahtjev bilo kojeg od druga dva člana Uprave.
- (4) Član Uprave ima pravo predložiti razmatranje određenog pitanja na sjednici, ako podnese prijedlog najkasnije tri dana prije održavanja sjednice, na kojoj Uprava odlučuje o tom prijedlogu. U slučaju da se prijedlog usvoji isto pitanje će se razmatrati najkasnije na prvoj narednoj sjednici Uprave.

Član 31.

(Glasanje i donošenje odluka na sjednicama Uprave)

- (1) Uprava donosi odluke većinom glasova, a članovi Uprave, uključujući predsjednika, imaju po jedan glas.
- (2) Za glasanje i donošenje odluka na sjednicama Uprave obavezno je prisustvo kompletne Uprave.
- (3) Pod opravdanim okolnostima, predsjednik ili jedan od članova Uprave može prisustvovati sjednici telefonom ili drugim adekvatnim tehničkim sredstvom komuniciranja ukoliko nije u mogućnosti prisustvovati lično i takvo prisustvo će se smatrati prisustvom u svrhu raspravljanja i glasanja.
- (4) Predsjednik ili član Uprave koji je ovlašten privremeno obavljati dužnosti predsjednika mora biti prisutan na sjednici.
- (5) Predsjednik ili jedan od članova Uprave ne smije učestvovati u glasanju o pitanjima za koja ima direktni ili indirektni interes.
- (6) Predsjednik ili jedan od članova Uprave koji dođe u sukob interesa ili smatra da je u sukobu interesa dužan je:
 - a) bez odgađanja o tome obavijestiti druge članove Uprave,
 - b) u potpunosti otkriti prirodu i okolnosti takvog interesa,
 - c) napustiti sjednicu i izuzeti se iz odlučivanja o predmetnom pitanju da bi ostali članovi Uprave razmotrili okolnosti i odlučili da li je njegovo učestvovanje u postupku odlučivanja dozvoljeno.

Član 32.

(Poslovnik o radu)

- (1) Sve odluke Uprave donose se na sjednicama Uprave.
- (2) Uprava može održavati i konsultativne sjednice na kojima se mogu razmatrati pitanja iz nadležnosti Uprave ali se ne mogu donositi odluke.
- (3) Na prvoj sjednici Uprava donosi Poslovnik o radu s ciljem regulisanja osnovnih procedura i postupaka vezanih za rad Uprave.

Član 33.

(Zastupanje i predstavljanje)

- (1) U zastupanju i predstavljanju Operatora za OIEiEK predsjednik Uprave rukovodi se zadacima i raspoloživim sredstvima utvrđenim u planu rada i finansijskom planu Operatora za OIEiEK.
- (2) Predsjednik Uprave, u okviru svojih prava i ovlaštenja, može dati pisanu punomoć jednom od druga dva člana Uprave za zastupanje i predstavljanje Operatora za OIEiEK, na osnovu punomoći u pisanoj formi.
- (3) U punomoći iz stava (2) ovog člana utvrđuje se vrsta i obim ovlaštenja.
- (4) Predsjednik Uprave ne može bez prethodne odluke Uprave preuzimati obaveze koje imaju finansijske ili pravne posljedice po Operator za OIEiEK.

Član 34.

(Odgovornost)

Uprava za svoj rad odgovara Upravnom odboru i Vladi Federacije Bosne i Hercegovine.

Član 35.

(Način prestanka mandata)

Predsjedniku i članovima Uprave, na osnovu odluke Vlade Federacije Bosne i Hercegovine, prestaje mandat:

- a) istekom mandata;
- b) ostavkom;
- c) razrješenjem prije isteka mandata;
- d) nastupanjem smetnji za obavljanje funkcije;
- e) prestankom radnog odnosa, u skladu sa zakonom.

POGLAVLJE III. RAZRJEŠENJE UPRAVE I UPRAVNOG ODBORA

Član 36.

(Razlozi za razrješenje Uprave i Upravnog odbora)

- (1) Razlozi za razrješenje predsjednika i članova Uprave i Upravnog odbora u Operatoru su sljedeći:
 - a) neispunjavanje odgovornosti i obaveza u skladu sa važećim zakonskim propisima;
 - b) dodjela ugovora o nabavci u suprotnosti sa važećim propisima u oblasti javnih nabavki;
 - c) učešće u sukobu interesa;
 - d) učešće u aktivnosti koja je zabranjena zakonskim i podzakonskim aktima;
 - e) izvršenje krivičnog djela;
 - f) postupanje protivno općim aktima Operatora za OIEiEK;
 - g) neopravdano neizvršavanje odluka, naloga, zaključaka i drugih akata Upravnog odbora, Vlade Federacije Bosne i Hercegovine i drugih nadležnih institucija,
 - h) drugo činjenje ili nečinjenje kojima se nanosi šteta Operatoru za OIEiEK;
- (2) Federalni ministar energije, rudarstva i industrije je dužan, po saznanju za postojanje razloga iz stava (1) ovog člana i utvrđenog od nadležnog organa, da Vladi Federacije Bosne i Hercegovine predloži njegovo razrješenje.

Član 37.

(Obaveza prijavljivanja neregularnosti)

U slučaju postojanja osnovane sumnje ili saznanja o bilo kojoj informaciji za koju smatra da predstavlja dokaz o kršenju zakona, pravilnika ili drugih propisa koji se odnose na rad Operatora za OIEiEK, član Upravnog odbora ili Uprave ili radnik Operatora za OIEiEK, dužan je ukazati na tu informaciju Upravi, Upravnom odboru, Vladi Federacije BiH, Ministarstvu, FERK-u i drugim nadležnim organima.

DIO OSMI: AKTI OPERATORA ZA OIEiEK

Član 38.

(Vrste akata Operatora za OIEiEK)

- (1) Operator za OIEiEK donosi opće i pojedinačne akte.
- (2) Pojedinačni akti Operatora za OIEiEK se donose na sjednicama Uprave.

Član 39.

(Opći akti)

- (1) Opći akti su, pored Statuta, akti neophodni za rad Operatora za OIEiEK, u skladu sa zakonom i drugim propisima, i to:
 - a) Etički kodeks,
 - b) Pravilnik o radu, sa organizacijom rada, sistematizacijom poslova i radnih mjesta i plate, dodaci i naknade plate u Operatora za OIEiEK;
 - c) Pravilnik o evidenciji prisustva na radnom mjestu;
 - d) Pravilnik o korištenju službenog vozila;
 - e) Pravilnik o korištenju službenih telefona;
 - f) Pravilnik o finansijskom poslovanju i računovodstvu;
 - g) Pravilnik o blagajničkom poslovanju;
 - h) Pravilnik o kancelarijskom poslovanju;
 - i) Pravilnik o arhivskom poslovanju;
 - j) Pravilnik o upotrebi, čuvanju i uništavanju pečata;
 - k) Pravilnik o uslugama reprezentacije i poklonima u Operatoru za OIEiEK;
 - l) Pravilnik o promovisanju obnovljivih izvora energije i efikasne kogeneracije;
 - m) Poslovnik o radu Upravnog odbora;
 - n) Poslovnik o radu Uprave;
 - o) Pravilnik o povjerljivim informacijama;
 - p) Pravilnik o aukcijama;
 - q) Pravilnik o garancijama porijekla;
 - r) Uputstvo o radu balansne grupe;
 - s) drugi opći akti neophodni za rad Operatora za OIEiEK, predviđeni zakonom i drugim propisima.

Član 40.

(Pojedinačni akti)

- (1) Putem pojedinačnih akata Operator za OIEiEK odlučuje o pitanjima iz svoje nadležnosti, kao i o internim administrativnim pitanjima, kao što su raspoređivanja na pojedine poslove i zadatke, prava, obaveze i dužnosti radnika i slično.
- (2) Pojedinačni akti Operatora za OIEiEK su konačni.

DIO DEVETI: TRANSPARENTNOST I ZAŠTITA POVJERLJIVIH INFORMACIJA

Član 41.

(Transparentnost rada)

- (1) Operator za OIEiEK osigurava javnosti dostupnost svojih akata, registara i drugih zakonom i podzakonskim aktima propisanih informacija.
- (2) Radi potpunijeg informisanja o svom radu, Operator za OIEiEK objavljuje posebne publikacije, biltene, saziva konferenciju za novinare i uređuje internet stranicu.
- (3) Informacije/saopštenja za javnost iz djelokruga rada Operatora za OIEiEK može dati Uprava, odnosno lice koje ima prethodno ovlaštenje od strane Uprave.

(4) Posebnim internim aktom Operator za OIEiEK će definisati način istupanja u medijima, način objavljivanja i sadržaj informacija/saopštenja iz stava (3) ovog člana.

(5) S ciljem osiguravanja transparentnog postupka dodjele statusa privilegovanog ili potencijalog privilegovanog proizvođača, Operator za OIEiEK na svojoj internet stranici javno objavljuje sljedeće informacije:

- a) informacije o tehnološkim kvotama i obimu aukcija za sve vrste postrojenja koja koriste OIEiEK sa ažurnim pokazateljima popunjenosti tehnoloških kvota i obima aukcija,
- b) registar proizvođača/investitora koji su dobili status privilegovanog/potencijalog privilegovanog proizvođača koji uključuje osnovne tehničke informacije,
- c) informacije u vezi postupka aukcija,
- d) Izvještaj o prikupljenim i utrošenim sredstvima iz naknade za podsticanje za prethodnu godinu do kraja februara.

(6) Ažuriranje informacija iz stava (3) ovog člana se vrši najkasnije u roku od 30 dana od nastanka promjene.

(7) S ciljem osiguravanja transparentnih postupaka dodjele statusa privilegovanog/potencijalog privilegovanog proizvođača, Operator za OIEiEK na svojoj internet stranici javno objavljuje i informacije na kvartalnom nivou u vezi doprinosa prosumera.

Član 42.

(Pojam povjerljive informacije)

- (1) Pod povjerljivom informacijom smatra se svaka informacija koja je zakonom, drugim propisom, općim aktom ili drugim aktom Operatora za OIEiEK ili drugog nadležnog organa ili pravno lica, donesenim na osnovu zakona određena povjerljivom i koja, ukoliko se otkrije, može ugroziti interese Operatora za OIEiEK, drugih pravnih ili fizičkih lica.
- (2) U slučaju da dostavljena informacija Parlamentu Federacije BiH ili drugoj nadležnoj instituciji sadrži povjerljive informacije, Operator za OIEiEK će na njih ukazati primaocu.

Član 43.

(Lica koja su obavezna čuvati povjerljive informacije)

Predsjednik i članovi Upravnog odbora, Uprava i radnici Operatora za OIEiEK, obavezni su čuvati povjerljive informacije, u skladu sa zakonom i drugim propisima.

Član 44.

(Procedure za zaštitu povjerljivih informacija)

Procedure za zaštitu povjerljivih informacija regulisane su posebnim pravilnikom.

DIO DESETI: TUMAČENJE, IZMJENE I DOPUNE STATUTA

Član 45.

(Tumačenje Statuta)

Autentično tumačenje odredaba ovog Statuta daje Upravni odbor Operatora za OIEiEK.

Član 46.

(Izmjene i dopune Statuta)

Izmjene i dopune ovog Statuta donose se na način i po postupku propisanom za njegovo donošenje.

DIO JEDANAESTI: PRELAZNE I ZAVRŠNE ODREDBE

Član 47.

(Donošenje općih akata iz nadležnosti Operatora za OIEiEK)

Opći akti iz člana 39. će se donijeti u roku od tri mjeseca od dana stupanja na snagu ovog Statuta

Član 48.

(Stupanje na snagu)

- (1) Ovaj Statut stupa na snagu narednog dana
- (2) od dana objavljivanja u "Službenim novinama Federacije BiH".
- (3) Stupanjem na snagu ovog Statuta prestaje da važi Statut Operatora za OIEiEK ("Službene novine Federacije BiH", br. 89/20, 101/22 i 10/25).

Broj 01-84/26
30. januara 2026. godine
Mostar

Predsjednik
Haris Lulić, s. r.

(SI-215/26-F)

**CENTRALNA IZBORNA KOMISIJA/
SREDIŠNJE IZBORNO POVJERENSTVO
BOSNE I HERCEGOVINE**

163

Na osnovu člana 2.9 stav (2) Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 52/22, 67/22 i 24/24) i člana 4. Odluke o raspisivanju i održavanju ponovnih prijevremenih izbora za predsjednika Republike Srpske broj: 05-1-07-1-1252-1/25 od 18.12.2025. godine, Centralna izborna komisija Bosne i Hercegovine je na 6. sjednici, održanoj 26.01.2026. godine, donijela

UPUTSTVO ¹

**O IZMJENI UPUTSTVA O ROKOVIMA IZBORNIH
AKTIVNOSTI ZA ODRŽAVANJE PONOVIH
PRIJEVREMENIH IZBORA ZA PREDSEDJENIKA
REPUBLIKE SRPSKE**

Član 1.

- (1) U članu 2. stav (3) tačka a) Uputstva o rokovima izbornih aktivnosti za održavanje ponovnih prijevremenih izbora za predsjednika Republike Srpske, broj: 06-1-07-1-832-5/25 od 21.01.2026. godine mijenja se i glasi: "a) Izborne komisije imenuju članove biračkih odbora i dostavljaju akte o imenovanju članova biračkih odbora Centralnoj izbornoj komisiji BiH, najkasnije u roku od 9 dana prije dana održavanja izbora, odnosno do 30.01.2026. godine."
- (2) Ostale odredbe predmetnog Uputstva ostaju nepromijenjene.

Član 2.

Ovo Uputstvo stupa na snagu danom donošenja i objavit će se u "Službenom glasniku BiH", "Službenim novinama Federacije BiH", "Službenom glasniku Republike Srpske", "Službenom glasniku Brčko Distrikta BiH" i na internetskoj stranici Centralne izborne komisije Bosne i Hercegovine, www.izbori.ba.

Broj 06-1-07-1-832-6/25
26. januara 2026. godine

Predsjednik
Jovan Kalaba, s. r.

Na temelju članka 2.9 stavak (2) Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 52/22, 67/22 i 24/24) i članka 4. Odluke o raspisivanju i održavanju ponovnih prijevremenih izbora za predsjednika Republike Srpske broj: 05-1-07-1-1252-1/25 od 18.12.2025.

¹ Uputstvo objavljeno u "Službenom glasniku BiH", broj 7/26² Naputak objavljen u "Službenom glasniku BiH", broj 7/26

godine, Središnje izorno povjerenstvo Bosne i Hercegovine je na 6. sjednici, održanoj 26.01.2026. godine, donijelo

NAPUTAK ²

**O IZMJENI NAPUTKA O ROKOVIMA IZBORNIH
AKTIVNOSTI ZA ODRŽAVANJE PONOVIH
PRIJEVREMENIH IZBORA ZA PREDSEDJENIKA
REPUBLIKE SRPSKE**

Članak 1.

- (1) U članku 2. stavak (3) točka a) Naputka o rokovima izbornih aktivnosti za održavanje ponovnih prijevremenih izbora za predsjednika Republike Srpske, broj: 06-1-07-1-832-5/25 od 21.01.2026. godine mijenja se i glasi: "a) Izborna povjerenstva imenuju članove biračkih odbora i dostavljaju akte o imenovanju članova biračkih odbora Središnjem izbornom povjerenstvu BiH, najkasnije u roku od 9 dana prije dana održavanja izbora, odnosno do 30.01.2026. godine."
- (2) Ostale odredbe predmetnog Naputka ostaju nepromijenjene.

Članak 2.

Ovaj Naputak stupa na snagu danom donošenja i objavit će se u "Službenom glasniku BiH", "Službenim novinama Federacije BiH", "Službenom glasniku Republike Srpske", "Službenom glasniku Brčko Distrikta BiH" i na internetskoj stranici Središnjeg izbornog povjerenstva Bosne i Hercegovine, www.izbori.ba.

Broj 06-1-07-1-832-6/25
26. siječnja 2026. godine

Predsjednik
Jovan Kalaba, v. r.

Na osnovu člana 2.9 stav (2) Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 52/22, 67/22 i 24/24) i člana 4. Odluke o raspisivanju i održavanju ponovnih prijevremenih izbora za predsjednika Republike Srpske broj: 05-1-07-1-1252-1/25 od 18.12.2025. godine, Centralna izborna komisija Bosne i Hercegovine je na 6. sjednici, održanoj 26.01.2026. godine, donijela

UPUTSTVO ³

**O IZMJENI UPUTSTVA O ROKOVIMA IZBORNIH
AKTIVNOSTI ZA ODRŽAVANJE PONOVIH
PRIJEVREMENIH IZBORA ZA PREDSEDJENIKA
REPUBLIKE SRPSKE**

Član 1.

- (1) U članu 2. stav (3) tačka a) Uputstva o rokovima izbornih aktivnosti za održavanje ponovnih prijevremenih izbora za predsjednika Republike Srpske, broj: 06-1-07-1-832-5/25 od 21.01.2026. godine mijenja se i glasi: "a) Izborne komisije imenuju članove biračkih odbora i dostavljaju akte o imenovanju članova biračkih odbora Centralnoj izbornoj komisiji BiH, najkasnije u roku od 9 dana prije dana održavanja izbora, odnosno do 30.01.2026. godine."
- (2) Ostale odredbe predmetnog Uputstva ostaju nepromijenjene.

Član 2.

Ovo Uputstvo stupa na snagu danom donošenja i objaviće se u "Službenom glasniku BiH", "Službenim novinama Federacije BiH", "Službenom glasniku Republike Srpske", "Službenom glasniku Brčko Distrikta BiH" i na

³ Uputstvo objavljeno u "Službenom glasniku BiH", broj 7/26